



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Catholisch Pfarbuch Oder Form vnd Weise/ wie die
Catholischen Seelsorger (jetziger hochgefährlicher zeit)
jre Krancken eingepfarren ohne vnderscheidt besuchen
... sollen**

Leisentritt, Johann

Cölln, 1590

VD16 L 1067

55. Vom begrebnuß vnd Ceremonien der Alten wahren Christen.

urn:nbn:de:hbz:466:1-39235

Allmechtige wolle dich vnd vnns alle / so im Namen Christi getaufft
wenden / nach diesem zeitlichen lichte vnd leben / verleihen vnd geben das
ewige brennend lichte / vnd vns also behüten vor aller finsternuß / auch
diese deine Seele / zu dem ewigen lichte vnd klarheit einfuren / vnd mit
allen Christ glaubigen Auserweltsen Gottes dir geben vnd verleihen
die ewige ruhe vnd freude / in ewigkeit / **A M E N**

Ioan. 2. 3. 8
Eph. 5.
1. Timo. 6.
1. Thess. 5.
Acto. 9.
2. Cor. 4.
Das lichte
vertreibe
die Finsternuß.

Mercke.

**Von Begräbnuß vnd Ceremonien
alten wahren Christen.**

WAn nun der Mensch in Gott Christlichen verscheiden ist / soll
vnd muß ehr auch als ein Catholischer Christlicher Mensch /
Erbarlich vnd Christlich zu der erden bestadret vnd begrä-
ben werdē / vnd soll der Catholische Christ / die jetzige Schwer-
mer / vermeinte Euangelische Weissterklüger / Seelmörderische Aufstrü-
rer / vnd verächter aller Gottseligen wercken / sich nichts ansechten / vil
weniger von diesem guten vorhaben / sich abschrecken lassen / dann die
lebendigen (nach dem spruch Christi) die lebenden / vnd die todten / die
todten.

Ein Catho-
lischer soll
auch Catho-
lisch begrä-
ben werdē.
Luc. 9.

Wie vnd welcher gestalt aber / man bey vnsern lieben Vhralten
Großvätern vnd vorfahrn / in vnd bey dem begräbnuß mit der Leich-
umbgangen / dazu brennende liechter gebraucht / Psalteret / vnd gebet-
tet / durre Kreuter vnd geweiht wasser (welche alle ihre deutung haben)
gebraucht / auch andere löbliche Ceremonien vollendet / neben andern
Catholischen Scribenten / mag einer lesen / Ioannem Damascenum in 1.
quaest. de sanctis. Ex Athan. Dionys. Chrysof. Nyssenum. Dann es ein nutz
vnd Gott sehr ahngenehm ding ist (sprechen sie) Das die jenigen so im
rechten Christlichen glauben verstorben / ein gedechnuß gehalten wirt /
durch die Götlichen vnd volle liechter / geweihter Personen oder Prie-
sterschafft / hienon lese weiter Epiph. Cyp lib. Aduersus Hereses. Et Chryso-
lib. 8. de sacerdos. vnd in vnserm Teutschen Gesangbuch / Cap. In to-
des nöthen. Ach Gott / wie muß es dieselbe zeit gar gut / Ja vil besser /
andechtiger vnd Gottseliger gewesen sein / sich zum sterben zubereiten /
vnd gefast zu machen / dan jek vnder vnd bey disen vnchristlichen / Ich
darff nicht sagen / gottlosen Sacramentirischen Elemasitern vñ Re-
hern. Gott sey vns lebendigen vnd allen verstorbenen Christglaubigen
Seelen / gnedig vnd barmherzig / **A M E N**.

Der Altan
Ceremonie
bey den Be-
gräbnissen.
Ioan. Da-
mascen.
Athanaf.
Dionys.
Chrysof.